



Ka wi Macitotakowin:

Oma kā Māmisetotaman Ostikwān Pewaya kā
kocihtāyin Awāsis kā Kitenimat

Wihtamākewin oma ohci Motherisk kā Okimahkātāhkik

Okimāw Ayamiwin—Swampy Cree

Awa kā Kanātakisot Judith C. Beaman
Ka Okimāhkāhtahk

Kise PawātaKinam 2018

Okimāw Ayamiwin

Tastawic 2005 nesta 2015, oki Motherisk Wāskahikan anima ita Ahkosewikamik ka ahkosicik awāsisak ohci ekota Toronto kih kocihewak awasite mena 24,000 mistikwān opewayā māhti ci ayānik ekota pihcipowin nesta keskwepewin, ayhaw ohci 16,000 petos awenaka, awāsisa esa ka kitenimācik.¹ Awa kā Kanātakisot Susan E. Lang’s Ka Tipenimisew Kihtwām Wāpahtamiwin ekospih 2015 ki miskamwak ewako kocihewin “ekā ekwanikohk nesta ekā ci ki tāpwewakihnihtakwahk ci ki āpatahk awāsis ka paspihiht kā kitenimiht nesta kā onasowācikāniwahk” eko kā āpatahk oma kekwān kā wāpahcikātek “mistahi ekā katawa ci ki ispanik ta tipipanik kekwān oma kā onasowāniwahk.”²

E-naskwewasihtāniwinik awa Justice Lang owihtamākewin, ekospih Kihci Pahwatakinam 2016, oki Ontario kihci okimāwak ni kakwecimikopani ta onastāyan Kihtwām Wāpāhtamiwin nesta Kekwān kāpatahk Wāskahikan (ewako Motherisk Ka Okimahkātāhkik) ta wecihācik ininiwa opimātsiwininew kākih tawiskākonit oma kocihewin. Nenanān nitoskewinān ci kihtwāmi wāpahtamahk pā piskihc awāsis kitenimikowina ka atoskācikāteki nesta ta kiskihnihtamohiwēk kispin kakeskwewin nohte wecihikowepan nesta onasowewin isi kakeskwewin.³ Ekospih neso pipon kā atoskehikaweyahk, ni kih kihtwāmi wāpahtenān 1,271 katoskacikāteki⁴ ewakoni ohci Awāsisak kā Wecihecik (CASs) misiwe Ontario. Ni kih kocihewin ta nistawinamahk nesta kihtwām wāpatamahk kāhkinaw katoskācikāteki ewako ohci Motherisk kocihewin ita oma awāsisak kā kih kihci otinihcik opeyakotenamiwāwa ohci nesta keyāpic capasis ayananeyosap e-ihtahto piponecik ispih oma kā kihtwāmi wāpatamahk.

E-itenihtaman oma nitoskewinān kā Okimahkātāmahk kih ati oskepaniw nistam pipon ka atoskeyahk. Pātima e-kesi kihtwāmi wāpātamahk mecetwāw mitahtatomitānaw katoskācikāteki anihi nesta e-ayamihāyāhkik mecet ininiwak ike totākocik nāntaw oma kocihewin eko māka nih kih ati nistotenān inihkohk e-nisowanāhchikemakahk oma kekwān. Nih nistotamiwinān māka e-ati misāk nih kih ati wāpāhtenān mena kiwenamākewin ta kitāpāhtamahk, asici mecet nih wihcewākanānak westawāw, anima kekwān kā pimi ayispanik oma ohci kocihewin.

Ka mamisāniwahk opeway kocihewin awāsis ka kitenimiht āpatsiwin nesta onasowewinihk, ewako kā pimi ispanik nestānaw 20 pipon, kih pacihtotomakan nesta kih ahkowemakan—kisāspin mena kih ahpo mona kih mistahi tocikemakan anihi ohci kā atoskācikāteki. Ewako kocihewin kih astamawāwak oki awenakak māwaci e-kitimākisicik nesta e- māwaci ekā kā kih wecihisonit oma ininiwak ita kā ihtasihkecik, ekā e-māmitonihnihtamopan otipenimisowiniwa kā ta westāhchikawihcik tipinaw. Mecet awenakak kih kiskihnihtamwak kocihewin, osām māka kā kihtwām kā tocikātek, ike wanāhikocik nesta kih-sekihikopani.

CASs kih āpahcihtawak kocihewin ta kiskenimācik onekihikomāwa tāpwewakihtakosiwininiw nesta ta kitāpamācik kisāspin poni āpacihtāniwa picihpowi maskihkeya nesta keskwepewin. Eko māka kih paciwepahokwak aniki onekihikomāwak nesta anihi kā wecihikocik— ewako anima kā minwāsik ta mino wecihwitocik awāsisā kā kitenimācik nesta onekihikomāwak. Māka ispih kā kiskihnihcikātek ekā e-tāpwewakepaniki anihi kā isi miskikāteki ka kih āpatahki mecet pipon/askewin tāpiskoc ike

¹ Awa kā Kanātakisot Susan E. Lang, *Wihtamākewin oma Motherisk Mistikwān opewayā kā wāpahcikātek Piskihc kihtwāmi wāpāhtamiwin* (Toronto: Okimaw Kihci Onasowew, 2015), 209, ota piskihc 1.

² Ibid, 4.

³ Mona nih kih itikawin ci ki wāpāhtamān kā misihocik katoskāhtecik, ta wihtamān anima ci ki misihkemonāniwahk pokānawenak āhpo awenakak, āhpo ta wihtamān tipahamātowin.

⁴ Oma akihtāsowin nāntaw ekwanikohk. Ispis ka masinahikātek oma Wihtamākewin, ka Okimahkātāhkik keyāpic kihtwām wāpahtamwak kā atoskācikāteki anihi.

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

nakacihāniwahk awāsis kitenimikowin ka onasowāniwahk māka ininiwak penis kih mona tāpwewakenihtamwak oma e-isi minwāsik kit onasowewinawa, wāwes ci oma kā isi pamihecik aniki māwaci ekā ka kih wechisocik.

Kā sakamowahk Ininiwak nesta Ihtāwina

Nih kih nācikhānān e-nohte sakamowahk onekihikomāwak asici kotakak ininiwak kā kih totākocik oma kocihiwewin. Mena nih kih nātānānak okimāwak ci ki wechikowākik ta ohpinamahk oma waskamayāwin ohci nih wechihwewininān ewakonik kā atoskātācik awenaka. Nih kih papāmi mekinān ohi kā akoteki masinahikewina nesta kotakiyi kekwāna, Omistikosewasteki nesta e-Opistikmowasteki, nih kih āpacihtānān kekwān āpacihcikan kā masinahamatonāniwahk, nih kih āpacihtānān kā ayamihmakahk nesta e-masinahikātek nesta kā papāmi itsahikātek acimowin. Nih kih nakiskawānanak nesta nih kih wāpātinānanak onasowewak, awāsis kā wechihācik, okiskinahamākekawak, ayamestamākekawak, ihtāwina, kihci okimāwina, nesta kotakiyi okimāwak.

Ka sakamowahk oki ininiwak kā kih totākocik kocihiwewin māka kih animan. Ekā kekwān peyak kiskihnihtamiwin ike ohci ihtakwahk isinihkāsowina ta ayasteki mena akihtāsowina. Kisāspin mena kā ayayahk akihtāsona, āsay weskāci mona awasite āpatānwa. Anima ispih kā kih kihtwām wāpatamahk māskoc mitahtaht pipon/askewin nesta mecet peyakotenaāmak kā kih totākocik mona kih kwayask owekiwak.

Onekihikomāwak oki kā nātikocik CASs awāsis kā kitenimānit māna e-kitimākisicik nesta e-nakiskācocik mistahi animisiwin isi pimātsiwinihk. Ta nakiskahkwāw kotak e-ahkohikocik kekwāniw, tāpiskoc oma kā macakihtek Motherisk kocihiwewin, mona mena ci ki nitawihnihtamopanik wenawāw ohci. Ininiwak āskaw nih itikonānak anima kā kih nātikocik awāsis kā kitenimānit ike sekisicik nesta ekwa ekā e-nohte kihtwām tāpiskoc mitonihnihtāhkik.

Ka Okimahkātāhkik kā kiskinotahikocik ewako mena ci wetatoskemācik awāsis nesta oskinekiwa ta kicināhocik e-pihtawimiht. Oskinekiwak oki kā nakiskākowāhkik nih kih sikilesinān. Kih mitoni nistotamwak māka oma kā animahk kā tocikemakahk oma kā pesiwikocik ota ta kitenimihcik. Mecet kih wihtamwak tān oma onekihikowāwa, osām okawewāwa, e-kitimākisinit, pahkān e-isi pamihimiht, e-mākwenimonit, mistikwānaspinenit nesta maci kekwān e-āpahcihtānit. Nih kih nakiskawānānak kihci okimāwak nesta ayamestamākekawak, okimāwak kā wechihācik awāsis nesta oskinekiwa, aniki mena Piskihcikamik Awāsisak Otayamestamākemiwāwa, Piskihcikamik awa Okimāw Kihciwak Kā Ayamestamawāt Awāsisak nesta Oskinekiwa, aniki Awāsisak kā Peyakwanta kā Ayācik kā Atoskātācik, Kā Kispewātācik Awāsisak Misweskamik -Canada nesta Tipāskonikew ohci Awāsisak nesta Oskinekiwak. Mena nih kih mena nakiskawānānak mecet oskinekiwak kā ayamestamācocik nesta Oskinekiwak kā Pimi Paminihcik otāpatsemowāwa ekota anihci ihtāwinihk kā nekānecik nesta Nistamaskewesiwi Ototemihtowin Wāskahikana misiwe ota Ontario.

Ohi kā kiskinotahikowahk ekosi ci ki kicināhowak kisāspin katawa isi wechihwewak Nistamaskewesiwak nesta pā petos itowihkān ininiwak. Nih kih papamotehonān kaskam oma kecihwāk kihci okimāwin askiy e-nakiskawāyāhkik Okimāhkānak, iskonikanihk onekānewak, Nistamaskewesiw awāsis nesta peyakotenaāmak wechihwewin okimāwak, Nistamaskewesiw Ototemihtowin Wāskahikana, nesta kotakiyi Nistamaskewesiwak kā okimāwicik, ihtāwina, nesta onekānewak. Kā ayamihitowahk, mena anima

atoskwewin ayhaw ohci Tāpwewin nesta Wepihnihtamākwewin kā Okimahkātāhkik,⁵ nih wechikonānak e-nistotamahk oma Motherisk kocihwewin kā ispanik Nistamaskewesiwak ohci kā peci isi ayihtihcik nesta kā peci isi kiskihnihtāhkik kekwān. Ewakwānima māka Kiskinahamātowikamikwa kā kih kanawihnihmihcik nistamaskewesiw awāsisak nesta “Ka kih otenekopān owe awāsisak sixties,”⁶ eki maskwatwāniwahk opeyakotenāmiwahk ohci nesta otihtāwiniwahk. Isko anohc kā kesikāk, Nistamaskewesiw awāsisak kiyāpic mececiwak ewakonik oma kā kitenihmihcik pokāniki awāsisak.

Nih kih nakiskawananak kastakisocik petos ihtowihkan ininiwak nesta anih ka ayamestamakocik ihtāwinihk it aka ihtasihkecik tāpiskoc metawewikamikwa nesta kā mekinaniwiki waskahikana. Nih kih kocihānan sohki ta wetapimayahkik oki mahkitewiyāsak Ihtāwina ota Canada peskis, westānanaw, mececi awasisimisowawa e-kitenimiht Ontario awasisak ka kitenimihcik. Nih kih nakiskawananak onekānewak nesta otayamestamakewak e-wetatoskemacik awenaka mahkitewiyāsak otihtawiniwahk awasisa e=wecihacik, onasowewin, nesta minopimatsiwin ohci kekwān. Nih kiskinahamakonon mistahi otatoskwewiniwaw oki Peyak Wapiwin Peyak Pihtakosiwin,⁷ ewako e-nitotamomakahk kweskikapawin awasisak kitenimikowin isi osam oki pa petos ininiwak ka pahkan pamihecik nesta ta nahkihtāniwahk oma kā ati ayikihk oki ohci Mahkitewiyāsak otawasimisowawa nesta peyakotenāmiwāwa ota Canada.

Ka Kihtwāmi Wāpahtamahk kātoskācikāteki nesta kā Wecihwewyahk

Oki Kā Okimahkātāhkik kihtwām wāpāhtamwak pā piskihc awenakak tātoskātihcik awāsis kitenimikowinihk oma ohci Motherisk kocihwewin ekospih askewin/pipon 1990 nesta 2015. E-kih nohte totamahk oma ci kiskihnihtamahk kisāspin kā kocihwāniwahk kinwes kā ati ispanik pā petos ta totamomakan oma CAS nesta kā itasowāniwahk. Kisāspin māka, ahpo ta kih ayihkin, onekihikomāw nesta kotak kā kitenimiwet ta kih tawinamawāw onasowewin ta wechihkot.

Nih kih kihtwām wāpahtenān onasowewin ka atocikātek—anima kā wāpatinoskāniwahk kā astamaht onasowew kahkinaw ohci oki kā wechihwecik, ewakonik mena CASs, onekihikomāwak nesta awāsisak. Ekota onasowewin kā ātocikātek osām piko mena kih kinwastew nesta mistahi e-masinahikāniwahk onasowew otayamiwin, Kā kihtwām masinahikepaniki anima kā isi miskikātek kekwān, opikihāwasowin kā isi wāpahcikātek, kotaka masinahikana, nesta otipāskonikew kā itasowet. Awa CAS, ahpo awenak kā totākot oma kocihwewin, ci ki osihtāw masinahikan awasite ta kakwecihkemot ta nitotamawit ta kihtwām mamitonihnihtamwak kā wi itasoweyān anima ka tocikemakahk kocihwewin peyak ohci awenak kā atoskātihc.

⁵ Tāpwewin nesta Kewenamākwewin Ka Okimahkātāhkik Canada, *Kā Kistenihkātākwāhk tāpwewin, Kewenamākwewin nekān: ayamiwin Iskwāyāc Wihtamākwewin oma ohci Tāpwewin nesta Kewenamākwewin Kā Okimahkātāhkik ohci Canada* (Winnipeg: Tāpwewin nesta Kewenamākwewin Kā Okimahkātāhkik Canada, 2015).

⁶ Ibid, *Okimāw Ayamiwin*, 138. Oma “Ka kih otenekopāni owe awāsisak sixties,” ewako “misiwe oma kihci okimāwin kā kih otinihcik Nistamaskewesiw awāsisak e-otinihcik awāsisā kā kitenimānit okimāwa. Awāsisā kā kitāpamāhcik okimāwak kih otinewak kihci mitāhtat omitanaw awasite Nistamaskewesiw awāsisā opeyakotenāmiwāwa ohci nesta otihtāwiniwinihk ohci nesta e-pakitinānit tawekinit mona nistamaskewesiwa ta wecayāmānit nesta ekā e-kiskinahamāhmiht osikiswewininiw nesta otihtāwiniwiniwa. Awāsisak oki kih pakitināwak misiwe ihteke Canada, Kihci Mohkoman Askihk, nesta āhpo akāmaskihk. Ekosi kih ayihtiwak isko 1960 kā tih ihkihk, isko nāntaw āpihtaw āhpo kā kisipastek 1980 e-ati ispanik.”

⁷ Peyak Itāpiwin Peyak Pihtakosiwin Kā Kiskinotahiwecik onekānewak, *Peyak Itāpiwin Peyak Pihtakosiwin: Ta Meskwatinikātek oma Ontario Awāsisak Kā Kitāhpamihcik Nawac ta kwayask Pamihicik Mahkitewiyāsak Canada ohci, Kā Tocikātek ita Kā Akotek Nistam Ewako 1, Nitawāpenikewin Wihtamātowin, nesta Kā Tocikātek ita Kā Akotek Nistam Ewako 2, Petos Itowihkān Ininiwak Peyakwan kā isi Pamihitonāniwahk* (Toronto: Ontario Māmawi Awāsisā Kā Kitāpamaācik Okimāwak, 2016).

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

Nih kih totenān ta nistocikātek kihtwām wāpātamiwin anihī katoskacikāteki neswayak:

- Peyakwayak 1: Ispimiḥ kā itakiḥteki katoskācīkāteki ita oma iskwāyāc ayamiwin awāsisak ohci ote nekān kā ispanihīkocīk, tāpiskoc aweniwa ta kanawihniḥmikocīk, Okimāwin kā kanawihniḥmikocīk⁸, nesta piko kā otiniḥcik, āsay ike itasowāniwahk ahpo kekāc e-ispanik; nesta
- Neswayak 2: Katoskācīkāteki kā nistawinamahk ohci Ontario Onasowewīkamīkohk kā Pimītsahīkāteki katoskacīkāteki (FRANK) ita kā itasowāniwahk keyām ta otiniḥt awāsis nesta Motherisk kocīhiwewin kā kih āpataḥk. Mecet ewakoni, awāsisak anīkī nawac e-kiseinewisicīk āsay ike otiniḥcik wepac nawac.

Anihī tahto 1,271 katoskācīkāteki kā kihtwām wāpahtamahk, nih kih misken Motherisk kā miskīkātek kekwan ike mistahī tocīkemakahk ta atī ispanīk 56 anihī ohci ewakoni. Mecet nawac ewakoni, ekota kih wāpahcīkāteḥ kekwan (tāpiskoc kā notīncocīk onesotewak, mistīkwānāspinewin, kā nakaḥtiḥcīk awāsisak) ta sihtokācīkātek oma CAS nesta onasowewīkimāw kā itasowet. Otānahk ekota anihī 56 “katoskācīkāteki,” opeyakotenāmak kih pekoniḥwak nesta kā isi wecīḥwitocīk awāsisak, owetsāniḥtowak, onekīḥikomāwak, nesta kotakak kisiwāk wahkomākanak peyakotenāmak nesta iḥtāwina kih nisowanahcīḥtāniwīnwa ahpo kih waniḥtāniwīnwa.

Mawac mecet ewakonīk Nistamaskewesīwak Peyakotenāmak ocawāsimisiwāwa kā kihtenimīmiḥt awāsis wecīhiwewiniḥk māka nokwan ewako ohi kā kanawihniḥtamahk katoskācīkāteki kihtwām wāpahtamiwiniḥk. Tahto ohi 1,271 katoskācīkāteki, 189 (14.9 tahto miḥtaḥtomitānaw) ewakonīk Nistamaskewesīw Peyakotenāmak. Tāhto ohi 56 kihci ewakoni katoskācīkāteki, 7 (12.5 tāhto miḥtaḥtomitānaw) kā totākocīk Nistamaskewesīw Peyakotenāmak. Māka okī Nistamaskewesīwak Inīniwak 2.8 piko tahto miḥtaḥtomitānaw itaḥtasiwak Ontario ta taḥtasīnāniwahk (ekospīḥ 2016 kākīmitonāniwahk).⁹

Mona nih kih nistawīnenān tahto Mahkīteḥwīyāsak Canada peyakotenāmak nesta piko kotakak petos iḥtowihkānak inīniwak ohi katoskacīkāteki kā kihtwāmi wāpahtamahk. CASs mekwāc e-maci otinahkīk ohi akiḥtāsowina misiweskamīk kihciwāk oma okimāwiniḥk askiy.

Ka Kiskīḥniḥtamowāyākīk Inīniwak oma kā kihtwāmi wāpahtamahk

Oma katoskācīkātek ita Motherisk kocīhiwewin mistahī kā tocīkemakahk, nih kiskīḥniḥtamohānānak kakinaw inīniwak kā ki totākocīk nāntaw, anīkī mena kihci onekīḥikomāwak nesta anīkī kā kih otiniwecīk onekīḥikomāwak. Nih kih wiḥtamawāwak isiniḥkāsowina awāsisak ohci katoskāteḥcīk ita anima Piskīḥcīkamīk kā iḥtakwahk awa esa Awāsisak Otayamestamākwāwa kā atosket.

Peyak oma kā animahk kakwecīḥkemowin kā kih nakiskamahk Kā Okimāḥkāḥtamiḥk oma tān isi ta wiḥtamawāyāḥkīk awāsisak nāntaw kā kih totākocīk anima Motherisk kocīhiwewin ayhaw ohci anihī opeyakotenāmiwāwa kā isi miskīkātenīk kihtwām kā wāpāḥcīkāteḥ kekwan. Ike iteniḥtamahk nenanān māka ta wiḥtamawāyāḥkīk oma kā isi kiskīḥniḥtamahk emoye oma nitatoskewīnān e-kisipīpanīk. Mena

⁸ “Kihci Okimāw ka tipeniḥtaḥk: awāsīs kā kitenimīḥt kā onasowāniwahk, awāsis awa kā pakitiniḥt ta kitenimīkot Awāsīsā ka kitenimānīt wecīhiwewa. Kihci okimāwin ekosi māka wena tāpiskoc onekīḥikomāw ekosi mena tāpiskoc kahkinaw kekwan e-kitapaḥtaḥk tāpiskoc onekīḥikomāw onasowewiniḥk.” “Kā wiḥcīkāteki Kekwāna,” Kā Okimāḥkāḥtaḥk kihci Onasowewa, ekota kā itastek [MAG Legal Definitions](#).

⁹ “2016 Kā akīmitonāniwahk kihci ohi, Kā masīnahīkāteḥ 10: Nistamaskewesīwak Inīniwak Ontario,” Okimāw Soniyāna kā Kitāpamāt, Kaskatīnīsew 2017, ekota kā itastek Nistamaskewesīwak Inīniwak [Ontario 2016](#).

nih kih nistotenān awāsisak oki ta kih wihtamācik kekwān anima kā ispicisecik kā tahto piponecik ta kih kiskihnihtāhkik kekwān, kā tahto piponecik, kā isi opikihcik, nesta kotak kekwāna.

Nih kih kakwecihmānānak oskinekiwak kā kih otinihcik Awāsis kā Kitenimiht, nesta ayamestamākewak, ininewi wecihiwewak, nesta otayamestamākewak kā atosekātācik awāsisā nesta oskinekiwa. Nih kih wihtamākonak e-isi kihci āpatahk awāsisak nesta oskinekiwak ta kiskihnihtāhkik oma kā kih pih opikicik, mena anima kā kih totākocik Motherisk kocihiwewinihk esa ohi ohci opeyakotenāmiwāwa. Nih kih itenihten ci masinahamawakik ewakonik awāsisak tāhto anihi katoskācikāteki kā kihtwāmi wāpātamahk. Ewako anima masinahamātowin ekota māka wihcikāteaw awa Ka Okimahkāhtahk kā itāpatsit, kā kihtwāmi wāpatamwāyahk ohi opeyakotenāmiwāwa kā acimikāsonit nesta anima kā kih isi miskaman Motherisk kocihiwewin kā kih totākocik ewakonik peyakotenāmak. Nih kih itsahen ewakoni masinahamātowina ihteke CASs ta posihtācik awāsisak katoskātihcik omasinahikanawahk eko māka ci ki wāpātahkik kisāspin nohte wāpātahkwāwi ote esa nekān.

Kā itsahamahk ihteke Onasowewinihk wecihirowin

Ometa kā miskamahk Motherisk kocihiwewin ike mistahi tocikemakahk anima katoskācikātek, nih kih asotamawānānak kahkinaw ininiwak kā kih tahkikākocik ekote wanawihtimāyik otayamestamākewa ta wāpamkocik. Oki Ka Okimahkātāhkik wenawāw kih tipahikewak. Nestānān mena nih kih tawastamawānānak kotakiya nohte wapamātawāwi ta ayamestamākocik owecihiwewa ta ki katawa itastānit kekwān.

Nistam kā māci atoskeyahk, Kā Okimahkātamahk okakeskimiwāwa nesta mena nena nih kih mamitonihnihtenān oma ci ki āti wi ispanik onasowewinihk ihteke katawa ta itascikāniwahk oki ohci ininiwak kā kih mistahi nāntaw totākocik anima Motherisk kocihiwewin. E-sasihtoskākowahk peyak kā nitawāpeniket kekwāniw, nih kih osihtānān kekwān kāpatahk ita e-māwasikwasteki masinahikana ta wihtamomakahk anima isi ta kih katawa itastāniwahk kekwān, ekota mena ci ki masinahikātek anima onasowewin kā itastek nesta kihci kā atoskācikāteki tāhto pā petos ita. Ispih ka kiskihnihtamahk ewako awenak ike masinahikehāt ayamestamākewa, nih ki itsahenān kahkinaw e-kihtwāmasinahikepaniki.

Anihi katoskācikāteki kā kihtwām wāpahtamahk āskaw ekosi e-ati mekwāc onasowāteki, āskaw āsay mistahi e-atoskācikāteki, māka āskaw mena āsay e-ki kesasowāniwahk weskāc ekosipih mecet pipon āsay—ekoni mena awāsis kā kih pakitinkowisit ta otiniht. Anima onasowewin wihcihirowin ta kih nawasonikātek māka ewakonik oki kā kih totākocik kekwān inikohk kinwes kā ati ispanik isi tipahikāteaw. Katoskācikāteki ita awāsisak ekā ceskwa e-kihci otinihcik ewako māka nawac ta kih katawa ispaniw oki ohci onekihirowāwak kā nitotamācik ta kanawihnimācik ocawāsimisiwāwa.

Onasowewina nesta itasiwewinsa māka nakāskihkemakan oki onekihirowāwak nesta kotakak wahkomākanak kā nohte kihtwām pihtokatācik onasowewinihk anima kā kesasowāniwahk awāsisak ohci. Keyām mena ita āta ta kih paskinākaniwahk onasowewinihk, onasowew awa ci kih itenihtam ekā ta minwāsik awāsisak ohci ta ātānihcik ite e-wekicik mekwāc āhpo kā isi kih wāpamācik onekihirowāwa. Ekosi māka kisāspin mena ita oma kā macakihtek Motherisk kocihiwewin kih mistahi tocikemakan tān kā isi ati ispanik katoskācikāteki ohci, peyakotenāwak oki ta animihtāwak ci ki kweskināhkik ocawāsimisiwāwa kā isi pimātsinit. Ewakoni anihi katoskācikāteki māka ta māwaci animanwa nesta ta sāposkikāteki nesta ta animihikocik onasowewak ta kihsihtācik.

Mekwāc oma e-pimi masinahikātek Wihtamākewin, neswās peyakotenāmak āsay kih otihtamwak katawa ta istastācik onasowewin. Tāhto newo ewakonik, awāsisak aniki kih kiwetahāwak onekihirowāwa ci kitenimikocik. Māwac aniki kotakak kā kih mistahi totākocik keyāpic māka atoskācikāteki.

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

Kā Itsahamahk kakeskiwewinihk Wecihiwewin

Kā Okimahkātāhkik kih itsahamwak kakeskiwewinihk pokānihi awenaka kā kih kocihimiht Motherisk mistikwān opeway, keyām kisāspin anima kocihiwewin mena kih mistahi tocikemākan anima kā isi kesasowāniwahk. Kā Okimahkāhtāhkik kih tipahikewak wenawāw isko neso pison ispih ohci nistam kā kakeskiwāniwahk. Wena tipinawe awenak nohte kakeskimihcik, nesta mena piskihc ewako mena anima onasowewinihk kā masinahikātek ta tocikātek.

Māwaci ininiwak kā kih nitonāhkik kakeswewin mitoni e-animihtācik. Kā tocikemakahk anima kocihiwewin ike mānitotākocik otehiwahk ekā e-tāpwewakenimocik, e-macenihihcicik, e-kisiwāsicik nesta e-misamihnihtāhkik nesta ekisiwāsicik. Mecet ekā ike wecihsocik wena e-kitimākisicik, weyawahk nesta ostikwāniwahk e-āhkoscik, nesta piko kotakiyi e-isi animaninik opimātsiwiniwāw keyam e-moye kocihicik. Anima ka wihtamākaweyahk nih wāpāhtinikonānak ininiwak oki ka kih kakeskimihcik ike miskahkik kekwān ta sihtoskākocik nesta ta kekecik.

Anima neso pison ka kih itihkaweyahk tatoskeyahk kā Okimahkātamahk āhpo itkoke mona ikwanikohk kahkinaw ininiwak kā kih nitonahkik ta kakeskimihcik. Ewako ohci, nih kih itwān oki kihci okimāwak ta astācik wenawāw kakeswew wecihiwewin, kā ati isi nitawihnihcikāteki. Awasite nisto pison.

Kā Nistawinamihk nesta Kā Atoskacikāteki anihi kā tocikemakāhki

Kā isi Wāpāhcikātek kā kihtwāmi wāpāhcikāteki ohic pā piskihc kātoscācikāteki

Kā Okimahkāhtāhkik kakeswewak nesta mena nenanān nih kih masināhenān kā kihtwām anihi kā ispaniki kā wāpāhtamahk anihi kātoscātamahk kā kihtwāmi wāpāhtamahk. Nih kih ati wāpāhtenān nitoskewinān ike wecihiwowahk e-menikowahk wānaw itāpiwin ohi ohci kā tocikemakāhki misiwe isi ewako ohci anima kā kih ati mamiāniwahk mistahi oma opeway kocihiwewin, nesta ekā ka kih kaskihtācik kekwān oki CASs nesta onasowewikimāwak ta nistawinahkik ekā e-minwāsik anima kā kocihtāniwiki opeway.

Nih kih masināhenān e-cimāsik nawac kā nepitescikeyahk anima kihci kā isi wāpāhtamahk kahkinaw e-tenihtamahk e-māmawi wihihkemakahk, kahkinaw anihi kā kih kihtwāmi wāpāhtamahk, tān isi kocihiwewin ike isi āpatahk nesta kā totākocik ininiwak:

1. Ewako Motherisk mistikwān opeway kā kocihtāniwik ike astamāhcik oki ekā ike wecihsocik onekihikomāwak ekā mena e-māmitonihnihtamoht okaskihtamāsowiniwāwa ta kih peyhtak pimātsicik ekā awenaka ci ki nāntaw totākocik kisāspin ekā kā itenihtāhkik ekosi.
2. CASs nesta onasowewak āskaw kih maci itenimewak onekihikomāwa anihi ekā kā kih kitotenit ta kocihimiht nesta piko kā mākwahitocik.
3. CASs nesta onasowewak āskaw māka kih āpahcihtāwak kā miskahkwāw kekwān ta kisenimāhcik onekihikomāwa.
4. Kā āpatahk anima kocihiwewin tāpiskoc e-cacayawāsik e-isi kitāpahcikātek oma maci kekwān awenak kā āpahciktāt, tāpiskoc ewako piko ekā kekwān wihkāc tāpatahk.
5. Kā isi miskikātek kekwān āskaw kih pihtokatāniwin onasowewinihk ekā māka e-nākatenihihcikātek kahkinaw kā itastek onasowewin nesta mena ewako piko tāpiskoc ci ki wāpāhcikātek ci ki āpatahk oki esa CASs nesta onasowewak e-itenihtāhkik.

Kā Katawa Itastāniwahk Kekwān

Nih Wecihwākanak mena nena ike nitawihnihtamahk ta miskamahk tān isi ta wecihāyāhkik ininiwak kā kih totākocik oma kā kocihāniwiniki opewāyiwāwa ta tipācimisocik. Mena kih wecihāyākwāwi, e-nitawihnihtamahk ci ki menāyāhkik pihtākosiwin ta kih kihtwām weciwākanitocik anihī asici peyakotenāma nesta ininiwa awenaka kā āpatsinit awāsis kitenikowinihk nesta onasowewinihk.

Nih kih nitonenān ta wetapimāyāhkik kahkinaw awenakak kā kih totākocik awāsis kitenimihkowihihk e-weci ayamihāyāhkik ohci oma ta kih meskwatatek kekwān ekā ci animihkocik awenakak tāpiskoc anima Motherisk kocihiwewin. Nih kih tāpwihtenān ekosesi, Ta kih katawahk atoskātamahk anihī kekwāna kā kih nistawinamahk kātoscācikāteki kā kihtwāmi wāpāhtamahk. Nih kih pakosenimonān ta tasine ayamihitonāniwahk ispih mena āsay ponipaniki oma nitoskewinan.

Nih kih kitapahtenān kewenamākwewin katawa totatowin ci pimitsahikātek ayhāw ohci ta nistawinācikumakahk anima ekā katawa kā kih tocikumakahk māka ekā ta atāmiht peyak awa awenak tāpiskoc e-macipimātsit. Ewako nih kih pakitiniwonān ta wetatoskemāyāhkik oki mecet kotakak ta nitawāpenikayahk anihī kā naspāc tocikumakahki, ta wihtamahk kā itenihtamahk, nesta tān isi ci ki ati totamahk katawa ta itastāhyahk kekwān.

Nih kih māmawenān oma ohci kewenamākwewin newayak isi:

- Nistam, nih kih kakwecihmānanak ininiwak tān isi oma kā kih totākocik ka kocitāniwiniki opewawa anima kā totākocik nesta opeyakotenāmiwawa. Nih kih cikasteponihtānān kā nakiskawāyāhkik nesta e-wāpāhtinoskeyahk kā māmawapiyahk.
- Ekwa kihtwām, nih kih nakiskawānānak kā māmawecik nesta ihtāwina ka nāntaw totākocik oma Motherisk kocihiwewin kā tocikumakahk ahpō kisiwak kekwān ekosesi anima kā āpatahk kocihiwewin. Ewakonik mena Nistamaskewesiw Ihtāwina, Oskinekiwak nesta awāsis/oskinekiwa ka ayamestamawāhcik, Mahkitewiyās Canada ihtāwina, tipinawe onekihikomāwa nesta anihī kā kih otinikocik onekihikomāwa nesta otayamestamākeniwa, CASs (tāpiskoc kā pimpanihtānit, kakeskwewa nesta nistami kā āpatsinit), nesta tipāskonikewa ayhāw ohci Onasowewikamik Katawa Totatowin nesta Kihci Onasowewikamik Katawa Totatowin.
- Ekwa nisto kekwān, nih kih weciwnakiskātonānak pā petos oki kā māmawecik pā peyak kekwān ohci anima ohci kocihiwewin tāpiskoc: onasowewin, kā isi tocikātek kekwān nesta onasowācikewin katawa totatowin, kiskihnihtamiwin kā wāpāhtinoskāniwahk awāsis kitenimikowinihk, maci kekwān kāpatahk nesta opikihāwasowin, awāsis kitenimikowin nesta onasowewin kā ispanik kātoscācikātek, nesta ininiw wecihiwewin kā atoskācikātek.
- Niwe kekwān, nih kih misimāwawapinān, kahkinaw oki mecet ininiwak ispih kā kih māmawapiyahk nesta oskiyi awenakak. Kih animotamopan ekota kisāspin e-tāpwewakihtākwahki ohi kā wāpāhcikāteki awāsis kitenimiwewinihk, kā sihtoskawihcik nesta maskawisecik opeyakotenāmak, nesta kape ta wāwecihitonāniwahk misiwe ihteke.

Anihī kā kih itweyān māka ekota e-ochipaniki anima ka pihtamān māwacihitowinihk, kātoscācikātek kā kihtwām wāpāhtamahk kesi wāpāhtamahk nesta awasite kā nitawāpenikāniwahk.

Kā Itwāniwahk ta isi kweskiwipanik kekwān

Kā itweyan oma ta cihcināhonāniwahk e-tāpwewakihnihtākwāhk kā nakahcihtāt otitwewin, ta sihtoskawihcik opeyakotenāmak nesta ihtāwina, nesta ta nāhkastāniwahk kiskinahamākwewin mena weciwhākanitowin.

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

Ta kihcinahonāniwahk e-tāpewakihnihtākwahk kā nakahcihtāt otayamiwin

CASs kih pihtokatāwak Motherisk kā kocihwāniwahk anima kekwān ka nokwahk tāpsikoc nakacihhtāwin oma kā onasowāniwahk māhti ci awāsisak ci ki kitenimikawicik nesta kisāspin, awenak ci ki kanawihnimāt. Awāsis kitenimiwewin onasowewin ekota ihtakwanwa e-itasowāniwahk kekwān kā wāpatinoskāniwahk ta nistawināhcikātek anima kihci ta kispewātihcik awāsisak nesta oma kā onasowāniwahk wenawāw ohci kisiskā ta kesipanik kekwān. Māka, ekā ohci sohki ike atoskācikāteki anihi kā pihtokepaniki onasowewinihk anihi kātōskācikāteki kocihwewin kā wāpahcikāteki māka ewakoni ohci ekā anima katawa ta kih katawa isi pamihitowin.

Nih kih wihten tāhto anihi ta meskwatāsteki onasowewina nesta ka itasowācikātek kekwān kā āpahtahk nakacihhtāwi wāpatinoskewin awāsis kitenimikowinihk, nesta mena ta meskwātāsteki ta sohkiškāwihcik onekihikomāwak. Nih kih itwān mena nawac mistahi kiskinahamākwewin tipāskonikesiwak ohci wenawāw anima e-kitenihtāhkik iskwātem ta nakacihhtahk kekwān kā pihtokatāniwahk animi esa awāsis kitenimikowinihk.

Ka sohkihtayahk peyakotenāmak nesta ihtāwina

Mistahi oma pā pahkan isi maskawisecik tastawic onekihikomāwak kākitenimimiht ocawāsimisowāwa nesta awāsisā kā kitenimāhcik CASs. Pahkahkinākwān ewako misiwe isi anihi kātōskātamahk kā kih kihtwāmi wāpāhtamahk. Onekihikomāwak kih animihikwak ci ki nitawi kocihcicik, nesta mena kā wāpahcikātek oma CASs' kā pihtokatāhcik, nawac apsisēs kekwāna kih masinahikātewa onasowewikamikoht onekihikomāwak ohci wenawāw nesta nawac apsisēs kānakacihhtācicik kih āpatisiwak. CASs māka kape ci nawac mistahi kekwān ci tipinihtamwak tāpiskoc soniyān mena onekihikomāwak, māka nih tāpwihten oma kitenimikowin katawa piko ci ki ispanik, nesta mena awāsisak nesta peyakotenāmak ta minoskākocik, kisāspin onekihikomāwak mistahi nawac maskawisewin ayāwak ta ayamestamāsocik nesta mena ayamestamawāhcik ocawāsimisiwāwa.

Nih kih tepwātāwak kihci okimāwin kisiska ta menācicik Nistameskewesiwa soniyāna ta āpahcihānit onekāniwa iskonikanihk. Mona nih kiskenihten nawac kotak kekwān ota Ontario ita otatoskewak sohki e-kocihtācicik ta wā wecihācicik pokānima isi onekihikomāwa nesta opeyakotenāmiwāwa anta otihtāwininihk. Nih kih itwān mistahi nawac kiskinahamākwewin nesta sihtoskākwewin ta menihcik oki onekihikomāwak, nesta kā kiskinotahiwecik, peyakwan ihtowihkān kā sihtoskākecicik nesta ininiw wecihiwewak ci wecihācicik onekihikomāwa otayamewstamākwewa. Ekosi mena nih kih itwān ta wecihecik onekihikomāwak kā maci āpahcihtācicik kekwānew kā wanāhikocik, tāpiskoc ta wecihecik māmawi opeyakotenāmak ta āstepahcicik tāpiskoc nesta ta sihtoskikātek wihcewākanihhtowina nesta kiskinahamākwewin Ekwa iswāyāc, Nih kih itwān oki CASs ta pimi wecihācicik onekihikomāwa nesta oskinekiwa ka ayamihācicik mena kā itenihtāhkik kekwāniw, nesta sohki ta atoskecicik ta kaskihocik peyakwan totākwewin oma awāsisak ka wecihicik.

Ka nahkihtāniwahk kiskinahamākwewin nesta wecihwakanihtowin

Kahkinaw ita kā kih ayamihitowak, ekota kā kih ayāhcicik kih itwewak e-nitawihnihtācicik nawac nistahi kiskinahamākwewin ayhāw ohci awāsis kitenihcicikewin pokānāwenak ohci kā kih nāntaw totākot ekosesi kekwān, nesta ininiw wecihiwewak, kakeswewak nesta tipāskonikewak.

Mecet ka kih wecihiwecik ekota mena kih wihtamwak sohki oma kape ci ki tawinamākwāniwahk wecihwākanihhtowin isi, tāpiskoc anima Motherisk Kihci Māmawapiwin kā kih astāniwahk. Ewakonima Kihci Māmawapiwin kih māmawinitowak ininiwak nāntaw kā kih totākwecik anima kā kocihhtāniwiniki opewāyāwa, awāsis wecihiwewinihk otāpatisiwak, ayamestamākwewak, kā ispāk kiskinahamākwewin okiskinahamākwewak, kā kiskenihtamiwinicik, ihtāwinihk kā atoskecicik, nesta kotakak mecet kā nohte

wecihiwecik awāsis kā minwāyāt nesta peyotenāmak. Ta nakaskikāteki ohi kā wanāhcikemakāhki tāpiskoc Motherisk kocihiwewin mistahi piko ci ki māmitonihnicikātek nesta ta tocikātek misiwe ihteke ohci ewakonik ohci awenakak nesta okimāwak.

Nih kih wihten ta kih tocikātek ta maskawāk oma kātoscācikātek wecihiwewin nesta kā tocikātek awāsis kitenimihkowin onasowewin. Nih kih wihten mena ta kih tocikātek oki kā wecihiwecik ekota ta wewihnāpamihcik ta nekānapicik ta kakweskimācik kihci okimāwa oma kā wi isi āpatahki anihi kā Itwāniwahk ta kih Tocikātek ota oma Wihtamākwewin nesta ta māmawintonāniwahk peyakwāw peyak pipon awāsisak kitenimikowin ohci ta misi māmawintonāniwahk.

Ta isi atoskācikāteki ohi ketwāniwahk ta kih tocikāteki

Nih tāpwihten ohi Ketwāniwahk ta kih Tocikātek ta kih awasite tocikāteki nesta ta āpatahki ayamihitwāwi oki Ininiwa kā wi nawac totākonit, ewakoni mena awāsisa nesta oskinekiwa, onekihikomāwa, nesta Nistamaskewesiw nesta Petos ihtowihkān Ininiwa otihtāwinahk. Ewakonik aniki e-tipinaw tawiskācocik kekwān ohci awāsis kitenimikowin nesta onasowācikekina nesta kihci kekwān e-kiskihnihtāhkik ci ki mā mekicik asowinahkik. CASs, ayamestamākwewak nesta tipinaw wecayiwāwa ka māmawenit, onekihikomāwak kā kakeskimocik, nesta mecet kotakak e-āpatsicik oma awāsis kā kitenihmiht mena ewakonik ayāwak nakacihitāwin ci ki wecihiwecik ispih āpatāhki ewako kekwān.

Nih nistawinen ahtiht ohi ka kweskinikāteki ci ki nawac mākwahikemakan nesta oskiyi kekwān ta isi tocikātek kā wi ispanik ekwa āsay mitoni e-otamihikomakahk awāsis kitenimikowinihk nesta onasowewinihk, nesta piko nawac mistahi soniyān ci ki pakitiniht. Māka, Nih tāpwihten ewakoni kā kweskinikāteki kihci tāpatahki ewako māka ohci anima ka kih maci tototācocik Motherisk kocihiwewin mistikwān opewayā ohci peyakotenāmak nesta anima tāpwewakecikekin ote ihteke oma awāsis kitenimikowin nesta onasowewin kātoscācikātek.

Mona kekwān kicihnāhonāniwan awāsis kitenimihkowin. Anima Motherisk opewayā kā kocihiwewin tāpiskoc ewako ta kih tāpwewakihnihtakwahk, māka mona. Kih kiskinahamākonānaw piko nawac ta ayākwamisihyahk oma kā āpacihtāyahk kā nakacihitācik kekwān kā pihtokatācik nesta ta sihtoskawāyāhkik nawac awāsis kitenimihwewak nesta onasowewak kih wihcewākaninawak ta mawineskāmahk kisāspin ci ki tāpwecikātek. Nesta mena ta nitotawāyāhkik nawac kisiwak oki awasisak, oskinekiwak, nesta onekihikomāwak kekwāniw ci ki āpachihicocik nesta kā nitawihnihtāhkik. Ekosi nitsi pakosenimon kakeskimowewinihk nesta onasowewin wecihiwewinihk oki Kā Okimahkātāhkik kā kih asotamākecik, nesta mena Kewenamākwewinihk ka totamahk, ahtiht oki peyakotenāmak kā kih maci totācocik Motherisk kocihiwewin ta ati nakiskamwak peyāhtakenimowin nesta kekwewin. Nih kakwihcikhemon Nititwewina ta kih Tocikātek tāpiskoc tahkoskewina ewakoni ihteke ta kicināhonāniwahk ekā mena peyak opeyakotenām ci katāc kiskihnihtāhkik ekwatowahk maci totakewin ote nekānihk.

Māmaw Ayamiwin kā ki Itwāniwahk

Kā Nahkihtāniwiki Kakeswew Wecihiwewina

1. Okimāwak ohci Awāsis nestā Oskinekiwak wecihiwewina ta kih mekicik ekā ta tipahikātek kakeswewin pikwāni awenikan ci ki kācihtinahk, āhpo awāsisak,¹⁰ oskineiwak, nestā piko kiseyininiwak ka nitotamacik, awasite nisto mena pipon ispis ohci anima kesikāw Kā Okimahkahtāhkik kā poni wecihiwecik (Kise-Pahwātakinam 15, 2018).

Ta Kihcinahonāniwahk E-Tāpwemakahk oma Nakacitāwi Wāpahacikātek

Weyawihk ohci kekwāna

2. Okimāwak ohci Awāsis nestā Oskinekiwak wecihiwewina ci ki itasowātācik awāsisā kā kitenimānit (CASs) ta cihcināhonit kahkinaw awāsisā kakitenimānit āpatsiwa ta ohtihtaminit ka nitawihnihcikātek anima ci ki otinahkik e-masinahikātek tāpiskoc e-pakitiniht, ekota ohci onasowewin s.4(2) anima *Awāsis nestā Peyakotenaw Wecihiwewin Onasowewin* (s.21(2) ewako ohci *Awāsis, Oskinekiwak nestā Peyakotenamak Wecihiwewin Onasowewin* tahtwāw oma onekihikomāw kā kakwecimiht ta mekit weyawihk ohci kekwān. Kā itasowāniwahk oma ta kakwecimihcik otāpatsiwak ta ati masinahāhkik anihi tahkoskewina kā otinahkik ci kahcihtināhkik e-pakitinihcik kekwān e-masinahitisot awa onekihikomāw e-wihtahk ekota kahkinaw kekwān e-tipipanik anima kā isi nitawihnihtamaht e-pakitinisot.
3. Ontario Kihci Okimāwk ci ki kweskastācik ekosi oma Okimāwak ohci Awāsis nestā Oskinekiwak wecihiwewina
 - a. Ta itācik onasowewak ta kāsenaminit kā wāpahcikātek ka ki kocihtāniwinit ohi
 - b. onekihikomāwa weyawihnihcik ohci kekwānew māka piko onasowewak e-nahenihtāhkik oki onekihikomāwak tāpwe ki pakitinsowak, nestā piko anima weyawihk ohci kekwān ki kacihcikātekw isi kā itasowāniwahk *Onasowewin*. Eko piko māka nama kisāspin anima kā wāpahcikātek nāntaw isi sohki ci wi paspihikot ana awāsis kisiskā tipinaw. Ewakonima ci ki itastek oki onasowewak ta māmitonihnihtāhkik onekihikomāw wena e-kitenihtamoht kā kisenimikawisit nestā opaspewin wena tipinawe māka emoyes ewako anima itasowāniwahk;
 - c. Ta kitahamāwecik onasowewak ekā ta petokatācik ka wāpahcikātek ana awenak ka ānwetahk ci mekit weyawihk ohci kekwān ta ki wāpahcikātenik oma kā
 - d. wāpātinokāniwahk ewako awenak nawac ekā ta kih tāpwetākowisit, nestā piko kih āpacihcāpan ohi maci kekwāna, nestā piko mona ki wecihiwewopane; nestā

¹⁰ Oki “ka totakocik “oki misiwe ka itihcik ota:

- Awasisak opeyakoskaniwawa ka kih nakacihikonit CASs oma ohci kocihikowin opewaya nestā wecisaniwawa, kihci onekihikomawa, ka kih otinikocik nekihikowawa, nestā akinaw ka kanawihnihcik;
- Peyakoskanimak tapiskoc mosomak kohkomak kitosisak nestā kokomisak
- Pokani awenak ka kih onasimot awasisa ohci
- Awenakak e-kanawihnihcik awasisa onasowewinihcik ohci e itihcik, e-wahkomacik, nestā e-itasowaniwahk; nestā
- Aniki Nistamaskewesiwak Iskonikana ita awasisak e-ihcikasik

- e. Ta mekicik kicināc peyak itohwiškān kā isi nihtawihnihtākwahk kā onasowāniwahk awenak ci mekit weyawišk ohci kekwān, ewako māka ohci ana awāsis opaspihwinihk.

Kā Nakacihtācik wihtamākwewina

4. Aniki Peyakotenaw Onasowācicik Onekānewak ta ki meskwatastācic anihi Peyakotenaw Onasowewin Kā itasowātecik omisi ta itwemakahki
 - a. Omisi ta ispanik, ita awenak ta nohte pihtokatāt minopimātsiwin nesta piko kiskihnihtamiwin kotak itowahkān onasowewinihk, anima kā miskikātek piko ekota ci kikastek oma wihtamākwewin awenak e-nakacihtāt kekwān e-wihtahk anima kā itwemakahk ka miskikātek nesta anima kiskihnihtamiwin kā āpatahk ewako kocihiwewinihk; nesta
 - b. Omisi mena ta ispanik anihi wihtamākwewina kā nakacihtācik kā wihtāhkik ekota ta kikastek anima Kā itasowācikātek 52.2 Oma Kihci Okimāw Onasowewikamik ta itasowet, nesta mena, omisi ta ispanik ohi wihtamākwewina ta kikasteki wihtamākwewina nesta piko nāntaw kekwān ohci itowihkān kisāspin nāpesis ahpo iskwesis, Ka ispihci kitimākist ahpo misākisit, kā ayihtih, itowihkān ininiwiw, nesta kotaka kekwāna anima kā kocihikowisit ahpo kā wāpacikāteniki okocihekowina, mena kā wihcikātek tān itowahk tahkoskwewina, kisāspin kekwān, ana kā nakacihtāt kā ki otinahk e-naskewasitwāt ohi kā tocikemakahki.

Acinaw/Nakiskaw onasowācikewin

5. Aniki Peyakotenaw Onasowācicik Onekānewak ci ki meskwatastācic Peyakotenaw Onasowewin Kā itasowātecik ohci onasowewikamikwa ta nakatihnihtāhkik māhti e-isi minwāsiki ohi pokani ewako kiskihnihtamiwina kā nakacihtācik kā mekicik ekota ohci *voir dire* kā iciktāke totamiwin emoyes e-pihtokatācic wihtamākwewina ta wāpāhcikāteniki pikweta kā isi waskawetocikātek oma kā kitenihmiht awāsis kā onasowāniwahk, eko piko mistam kā nokwahk kekwān. Petos ci ki tocikātek piko ta pakitinikātek kisāspin awa onekihikomāw wena tipinaw wihtamawew onasowewa anima kā miskikātek wihtamākwewinihk e-tāpwemakaninik nesta anima onasowewikamik e-nahenihtahk onekihikomawa e-nistotaminik ka nakacihtanit itwewinew nesta tan ta kih ispanihikocik ewoko ohci.
6. Ontario Kihci Okimāwak oki ci ki meskwatināhkik Okimāwak ohci Awāsisa nesta Oskinekiwak wecihiwewina *onasowewin ta kipiskahkik anima animwewin* awenak piko kā mosih pihtāhk kekwān ekwa ka pihtokatāt awa tāpiskoc kā nakcihtāt kekwān e-itwet, anima mena kā miskikātek nesta kā isi nistocikātek ewako, pokāni ispi oma kā ati onasowāniwahk awa awāsis okitenimikowin ohci awasite mena anima nistam kā kih nitocikātek. Petos ci ki tocikātek piko ta pakitinikātek kisāspin awa onekihikomāw wena tipinaw wihtamawew onasowewa anima kā miskikātek wihtamākwewinihk e-tāpwemakaninik nesta anima onasowewikamik e-nahenihtahk onekihikomawa e-nistotaminik ka nakacihtanit itwewinew nesta tan ta kih ispanihikocik ewoko ohci.

Māmaw ayamiwin kā itasowāniwahk totamiwina

7. Aniki Peyakotenaw itasowewina Onekānewak ci ki meskwatastācic Peyakotenaw Onasowewinihk itasowewin ewako ohci anihi kā kesasowāniwahk anima kā itwāniwahk ta tocikātek
 - a. Anima piko kekwān ta ki pihtokatāniwahk onasowewinihk, nesta mena kihci, ekā ta animocikāniwahk ekā e-tipipanik kā itastek onasowewin kā kocihāniwahk;
 - b. Omisi ta ispanik kahkinaw kā nakahcihtācic kekwān kā wāpāhcikāteknik e-otinihikātek kā māmaw onasowāniwahk ci tipipanik anima kā isi Onasowācikātek ayhāw ohci kā nakacihtācic wihtamākwewiniwāw (kā isi meskwatastāniwik tāpiskoc kā isi itwāniwahk);

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

- c. Omisi ta ispanik onasowewikamikwa ta totahkik *voir dire* kihtamihk emoye pihtokemakahk kā nakaciktācik kekwān ka itwecik; nesta
- d. Petos ta tocikātek mena anima kā isi nitawihnihcikātek ewako piko awa onekihiikomāw ekosi e-isi wihtamawāt onasowewa tāpiskoc anihī kocihikowina e-tāpwemakāhki nesta anima onasowewikamik e-nahenihtahk onekihiikomawa e-nistotaminit ka nakacihtanit itwewinew nesta tan ta kih ispanihikocik ewoko ohci.

Ta Ihtāt awa soniyān ayamestamākewin ohci tāpatisit

8. Ayamestamākewin Ontario ci ki

- a. Oma kā pakitināhcik soniyāna ohi ohci onekihiikomāwa otayamestamākewa ewako ohci ka nakacihtacik kiskihnihtamiwin ta nākatihnihtāhkik oma e-animahki awāsis kā kihtenimiht kātoscācikāteki nesta anima ta ki mānipanik tipāskonikewinihk kisāspin ekā naskwewasihtāniwkwāwi ohi kānakacihtācik otayamiwiniwāwa;
- b. Ta nahkisihtāniwik oma Kā Misāk Katoskacikātek ka Pimpanihtāniwahk oma isi awāsis kākihtenimiht kātoscācikāteki; nesta
- c. Ta nahkisihtācik Kā Ānimahk Kātoscacikātek Kātipahikātek itenihtamiwin oma ohci awāsis kā kitenimiht kakeskwewin.

9. Okimawin ohci Kihci Onasowew ci ki kicināhocik māmaw ana soniyān kā ihtāht ewako ohci Ka Tipahikestamaht Wecihikowin Ontario ci ki tepipanit eko māka Ayamiwina oma Wihtamākewin ci ki tocikāteki.

Kihci Kekwān onasowewi wāskahikan awāsis kā kihtenimiht

10. Ka Tipahikestamaht Wecihikowin Ontario ci ki onastācik tipenimisiwi kihci kekwān onasowewi wāskahikan ta kitāpahtamomakahk awāsis kitenimikowin ekota ta ki atoskācikāteki “Ka nahetawisicik oki Katoskacikatecik—ekota ta ohci mekināniwahk kiskihnihtamiwin kā nitonikātek nesta ta wā wecihecik piskihc kā atoskecik, ta papāmi ayamestamākecik, nesta ta petācik kocihiwewin kā onasowācikātek eko ta paspihācik nesta kā wecihtācik okaskihtamāswiniw ohi onekihiikomāwa oma awāsis ohci kā onasowāniwahk.

Kā Acimonāniwahk

11. Peyakotenaw Onasowewinihk itasowewin Onekānewak ci ki meswatastācik anima Peyakotenaw Onasowewinihk itasowewin ta wihtamawācik Awasisak ka Wecihicik ta pakitinācik kisiskā, tasine, māmitoni nesta tweyek ta ācimisonit onekihiikomāwa.

Ta Kiskinahamāhcik Otipāskonikewak oma kā kitenihcikecik awāsis kā kitenimikowisit

12. Kihcokimāwinihk ohci Onasowewin kiskinahamākewikamik, oki Kā Māwaci ispāk Onasowewikamik ota (Ontario), nesta Ontario Onasowewikamik ci ki nāhkihtācik kā wihkocik ta ksikinahamākecik nesta kekwāna ekota kā āpatahk oma kā wāpahcikātek kā nakacihtācik aniki kā pihtokatācik oma kā onasowāniwahk awāsis kā kitenimiht. Ta kiskinahamākaniwinihki anihī nakacihtāwina tipāskonikew ci ki ayāt ta totahk otatoskewin kā kihtenihciket anima kā peyakwahk totamiwin e-kitenimiht awāsis.

Ta Maskawisehecik Peyakotenāmak nesta Ihtāwina

Nistamaskewesi Iskonikanihk onekānewak ci menikowiscik soniyāna

13. Kihci Okimāwin ci ki sasikoc mennāt soniyāna inikohk ta tepipaninit ohi Nistamaskewesiw iskonikanihk onekānewa. awa Ontario kihci okimāwin ci ki wecihiwet ohi kā kiskinahamāmiht kekwān kā nohte kiskihnihtamininit. Awa Ontario Kihci Okimaw ta mena kisiskā, ispih kā kesi kakwecimāt ohi Omistikosihkāna nesta Ayaskemewa, tān isi oma kā wi isi nepawestamāhcik ewakonik otihtāwiniwahk nesta ta menikowicik soniyāna ci wecihikocik ta ki wecihiwecik onasowewinihk oma awāsis kā kitenimiht kā onasowāniwahk ewako ohci onasowewin kā itcikātek Okimāwak ohci Awāsisa nesta Oskinekiwak wecihiwewina.

Ta Sihtoskācik Onekihiikomāwak

14. Ka Tipahikestamaht Wecihirowin Ontario ci ki nistami totahk nesta ta kocihtāht ta mekit soniyāna kā ininiwi wecihiwecik otāpatsiwak ta wecihānit ohi kakeskimānit onekihiikomāwa nesta ta sihtoskawānit onekihiikomāwa kā pihtokahimiht onasowewinihk awāsis kā kitenimiht. Ewako mena ci ki onastāniwahk onekihiikomāwak ta kakwecihmicik nesta kā kakeskimikocik nesta onekihiikomāwa ka ki ispanihikonit ekosi oma awāsis kitenimikowin.

15. Okimāwak ohci Awāsisa nesta Oskinekiwak wecihiwewina, nesta kotakak okimāwak tāpiskoc Okimāw ohci Minopimātsiwin nesta Kinwes Kitāpimikowin nesta mena Okimāwak Ihtāwina nesta Ininiw Wecihiwewak, nesta mena kā ayamihācik onekihiikomāwa nesta onekihiikomāwa ka ki ispanihikonit ekosi oma awāsis kitenimikowin, ci ki mena totāhkik nesta kocihtācik nistami totamiwin ewako ohci onekihiikomāwak ihtāwinihk tāpiskoc nistwayak ihteke oma okimāwin askiy, nesta asici Kewetinohk.

16. Okimāwak ohci Awāsisa nesta Oskinekiwak wecihiwewina .ci ki onastācik ta kihtastek, natinahikewin kā pakitiniht soniyān ta sihtoskikātek oma kā wā wecihitocik onekihiikomāwak aniki kā wecihiwecik awāsis kā kitenimiht. Ewako anima ci ki onastāniwahk ayamihetwāwi onekihiikomāwak tāhto ka kih ispanihikocik ikwatohwihkān kekwān.

Kekwān ta ki kiskihnihtāhkik Onekihiikomāwak

17. Okimāwak ohci Awāsisa nesta Oskinekiwak wecihiwewina. ci ki pakitinācik soniyāna ta osihtāniwik oma e-nistawihnihtākwahk, pakāhki kiskinotahiwewin oma ohci awāsis kā kitenimiht onekihiikomāwak kā ki ispanihikocik ohci Awasisak ka Wecihirowin Oki okimāwak ci ki nitotamācik Awasisak ka Wecihirowin ta menikocik e-kihtwāmasinahikepanik anima kiskinotahiwewin kahkinaw onekihiikomāwak kā kocihet ispih ewako ohci nistam ka nakiskawacikewakoni.

Kahkinaw Peyakotenāmak maci kekwān kāpatahk wecihirowin

18. Okimāwin ohci Minopimātsiwin nesta Kinwes Wecihiwewin ci ki sihtoskāhkik ohi kā osihtāniwiki nawac mecet maci kekwān kāpatahk wecihiwewikamikwa kahkinaw aniki peyakotenāmihk ta wāpamihcik ekota, nesta ekota ci ki atoskāhtāhkik ohi ka nakāskācok onekihiikomāwak nesta kotakak kā kitenimiwecik ci ki kācihtināhkik ewakoni anihi ta wecihecik.

CAS nesta maci kekwān kāpatahk wecihirowin wāskahikan wecihwākanihtowin

19. Okimāwak ohci Awāsisa nesta Oskinekiwak wecihiwewina ci ki wecayamihmācik ohi Awasisak ka Wecihirowin nesta anihi maci kekwān kāpatahk kātōskātamininit ta osihtācik ita ta totāhkik kekwān, tāpiskoc anima weskaci Awāsisak Nāntaw ka Totācokic maci apacihtacik Kekwān kātōskācikātek, ta sihtoskawācik kā wihcewākanihtonit ewakoni neso itowah. Ekosi tocikāteki māka ta wecihirowin oki

Ka wi Macitotakowin:

Oma kā Māmisetotaman Ostikwān Pewaya kā kocihtāyin Awāsis kā Kitenimat

maci kekwān kā atoskātāhkik ekā ta āpataninik ta wetatoskemānit ohi Awasisak ka Wecihicik kāpatsinit. Ta ki ihtāt soniyān tasine nesta misiwe ihteke oma kihci okimāwin askiy.

Ta Kiskinahamakaniwik ohci maci kekwan kapatahk nesta tan ka isi pacipanik onekihiikomawak ohci

20. Okimāwak ohci Awāsisa nesta Oskinekiwak wecihiwewina, oki Ontario Māmawi Awāsis Kā Kitenimācik (OACAS), nesta oma Piskihcikamik oki ohci Awāsisak Kā Ayamestamākocik ci ki kicināhocik awāsis kākitenimiht āpatsiwak, Awasisak ka Wecihicik okakeskimiwewak, nesta awāsisak kā kakeskimikocik pā peyak ci ki tasine kiskinahamācik ewako ohci maci kekwān kāpatahk kā tocikemakahk nesta mena opikihāwasowin.
21. Ka Tipahikestamaht Wecihikowin, nesta kotakak kā sāpwāyamihciket awenak onasowewin isi owihcewākānihtowak tāpiskoc Ontario Otayamestamākewak Māmawi nesta Otayamestamākewak Ontario, ci ki kicināhocik otayamestamākewa kā ayamestamāwāhniht onekihiikomāwa nesta kotaka okitenimiwewa ta ki kiskinahamākowisinit tasine opikihāwasowin. oma ohci maci kekwān kāpatahk nesta kā tocikemakahk mena.
22. Kihcokimāwinihk ohci Onasowewin kiskinahamākewikamik, E-owecihwākancik Māwaci Kihci Onasowewikamik (Ontario) nesta Ontario Onasowewikamik, ci ki osihtācik nesta ta mekicik kiskihnamākewin ohi tipāskonikesiwa ewako ci miskotāhkik maci kekwān kāpatahk kā tocikemakahk nesta mena opikihāwasowin.

Onekihiikomāwa nesta oskinekiwak okakeskimiwewak kā nekānecik

23. Kakinaw Awasisak ka Wecihicik ota Ontario ci ki onastācik onekihiikomāwak okakeskimiwewak nekānewin nesta oskinekiwak okakeskimiwewak nekānewin nesta ta āpaciācic ewakoni kwayask kā ayamihitocik oma ohci Awasisak ka Wecihicik onasowewiniwāwa, wecihiwewiniwāwa, nesta ta wecyamemānit ihtāwinihk awenaka.

Peyakwan isi pamihitowin ota Ontario awāsis kā kitenimiht

24. Oki Ontario Mamawi ohci Awasisak Ka Wcihecik ci ki tasine wet atoskemācik ohi Nistamaskewesiwa nesta Mahkitewiyāsa Kānata ohci ihtawinihk ci nistawināhkik nesta ta atoskātāhkik petos awenak ka isipamihiht katawa nawac ci totāhcik awāsisak, oskinekiwak, nesta peyakotenāmak ikwatohwiwkānak ewakoni ohci ihtāwina.
25. Okimāwak ohci Awāsisa nesta Oskinekiwak wecihiwewina ci ki menācik Oki Ontario Mamawi ohci Awasisak Ka Wcihecik inikohk kekwān ta tepipaninit ci ki totamininit anima āpatsiwin kā miskocikātek Itwewinihk 24, mena soniyān ta tipahamāht awa kape ta ihtasihkātahk Kihci Onekānew Peyakwan isi Pamihitowin (tāpiskoc awa kape ka ihtasihkātahk Kihci Onekānew Nistamaskewesiw Wecihiwewina) ta wetatoskemāt Awasisak ka Wecihicik misiwe oma kihci okimāwin ta onastācik Peyak Itāpiwin Peyak Pihtākosiwin Peyakwan isi Pamihitowin nesta ta kape atoskātahk ka petos isi pamihit awenak petos itowihkān ininiw awasite mena anima kā pitocikātek.

Ta Nahkihtāniwik Kiskinahamākewin nesta Māmawātoskewin

Awāsis Wecihiwewin Kā Kiskinahamākāniwahk Ininiw Wecihiwewak ohci

26. Kahkinaw Ininiw Wecihiwewinihk Kiskinahamātowina ota Ontario ekā māka eskwa e-totāhkik ci ki pamihitācik piskihc awāsis wecihiwewin ta kiskinahamākāniwik, ekota mena ta pakitinihcik ta wecihiwecik Ohi Awasisak ka Wecihicik āhpo ikwatowihkān okimāwa ta weciācic kā atoskātānit onekihiikomāwa nesta awāsis. Ewakoni ta tocikāteki wenawāw onekihiikomāwak nesta oskinekiwak kā ki nāntaw ispanihicocik ta wecihiwecik ekota. Ininiw Wecihiwewinihk Kiskinahamātowina ci ki

kicināhocik okiskinahamāwākanīwāwa e-kiskinahamawiniht kekwān ohci onasowewin kā itastek nesta ita ininenahk kā āpatahk awāsis kitenimikowin āpatsiwin ohci, asici ta kiskinahamāhcik petos isi pamihitowin petos itowihkānak ohci.

Awāsis Wecihiwewin Kā Kiskinahamākāniwahk oki onasowewin ka kiskinahamāhcik nesta awāsis kitenihcikewin otayamestamākwewak

27. Kahkinaw Ontario onasowewin ohci kiskinahamātowina ekā eskwa kā ki totāhkik ci ki osihtācik kanake peyak kiskinahamākwewin awāsis wecihiwewin ohci, tāpiskoc tipinaw ta kiskihnihtāhkik e-masihtācik. Ohi Awasisak ka Wecihicik, Piskihcikamik Awāsis Otayamestamākwewin nesta Ka Tipahikestamaht Wecihikowin Ontario ci ki wihcetācik ewakoni. onasowewin ohci kiskinahamātowina ci ki kīkastācik awāsis wecihiwewin isi kekwān anihi kotaka kiskinahamākwewina, tāpiskoc kekwān kā wāpahcikātek, Okimāwinihk Onasowewin nesta Nistamaskewesiw Onasowewin.
28. Māmawi Onasowewak ohci Ontario, oki Ontario Māmawi Ayamestamākwewak nesta kotakak onasowewin okiskinahamākwewak ci ki astāhcik kiskinahamākwewina tasine ayhāw ohci oskiyihk nesta e-nakacihtānit awāsisā kā kitenimanit otayamestamākwewa, eko mena nawac mistahi kiskinahamākwewin āpacihcikana kāpatāhki nesta kotakiyi kekwāna ekā māka ta mistakihteki.

Itenihtamiwin Kiskinotahiwewin oki ohci CAS kakeskimiwewak

29. Okimāwak ohci Awāsisā nesta Oskinekiwak wecihiwewina ci ki nākanotet ta osihtāt nesta ta masinahahk kā itenihtātek masinahikan oki ohci Awasisak ka Wecihicik, otayamestamākwewak, ta pimitsahikātek anima Kihcokimāw Kāmisekemostamākot Omasinahikan. Ewako masinahikan ci ki masinahikātek kā kakwecimihcik oki Kā okimahkātāhkik Okakeskimiwewa isi Awāsis Kā Wecihit, aniki Oki Ontario Māmawi ohci Awasisak Ka Wcihecik nesta māmawi Otayamestamākwewak Ontario.

Kā Masinahikāsocik Piskihc Kā itakisocik awāsis kitenimikowinihk

30. Māmawi Onasowewak ohci Ontario ci ki osihtācik Kā Masinahikāsocik Piskihc Kā Akisocik awāsis kitenimikowinihk onasowewin ewakonik ohci ekwatohwihkan ka apatsicik.

Aniki Kekwān Ka Kitāpamikocik Onekānemiwāwa nesta peyakwāw peyak pipon/askewin awāsis kā kitenimiht māwacihitowin

31. Okimāwak ohci Awāsisā nesta Oskinekiwak wecihiwewina nesta Okimaw ohci Kihci Onasowewikmaw ci ki onastācik, ispihci kisiskā ta ki ispanik, onekānesak ta kakeskimikocik oma ohci kā wi isi tocihkātek itwewin oma Wihtamākwewin. Oki onekānewak itowihkānak aniki mistahi kā kitāpamikocik kekwān, nesta mena oskinekiwak nesta onekihikomāwak kā ki ispanihikocik kekwān awāsis onasowācikewin ohci, Awasisak ka Wecihicik otāpatsiwak nesta okakeskimiwewak, onekihikomāwak kā kakeskimikocik, ihtāwinihk kāpatsicik, kā kiskihnihtamiwincik, nesta kotakak e-wecihiwecik oma awāsis ka kitenimiht nesta onasowewin ohci okimāwak. Nistamaskewesiwak nesta Mahkitewiyāsak Kānata Ihtāwinihk e-ihtasihkecik ci ki kwayask nepawestamāhcik ewako nekānapiwin.
32. Oki Kā kakeskimiwecik onekānewak kā wihcikāsocik Kā Itwāniwahk anima 31 ci ki sihtoskācik ta māmawintocik asici kotaka peyakwaw tāhto pipon aniki pikwesih kā isi awāsisā kitenimācik, ta maci totāhkik ekwanoima oma pipon/askewin2019. Okimāwak ohci Awāsisā nesta Oskinekiwak wecihiwewina nesta Okimaw ohci Kihci Onasowewikmaw ci ki wihtāhkik peyakwaw tāhto pipon/askewin māmawintowinihk oma kā ati itāhkamikahk ta tocihkāteki ohi itwewina oma ohci Wihtamākwewin.